



Hodie Christus natus est : hodie Sal-  
vator apparuit : hodie in terra canunt  
Angeli lætantur Archangeli :



## In Nativitate Domini.

DUPLEX I. CLASSIS.

IN I. VESPERIS.

*Antiphonæ.*

**E**X pacificus ma-  
gnificatus est,  
cujus vultum  
desiderat uni-  
versa terra.

*Psalmi ut in j. Vesp. de  
Communi Apostol. [2]*

2. Magnificatus est Rex  
pacificus super omnes re-  
ges universæ terræ.

3. Complēti sunt dies  
Mariæ, ut páreret Fílium  
suum primogénitum.

4. Scitôte quia prope est  
regnum Dei : amen dico  
vobis, quia non tardábit.

5. Leváte cápita vestra :  
ecce appropínquat redém-  
ptio vestra.

*Capitulum. Tit. iij. b*

**P**páruit benignitas,  
et humanitas Sal-  
vatoris nostri Dei,  
non ex opéribus justitiæ

quæ fécimus nos sed se-  
cúndum suam misericór-  
diam salvos nos fecit.

*Hymnus.*

**J**esu Redemptor om-  
nium,  
Quem lucis ante origi-  
nem

Parem Paternæ glóriæ  
Pater suprémus édidit.

**T**u lumen, et splendor  
Patris,

Tu spes perénis om-  
nium,

Inténde quas fundunt  
preces

Tui per orbem sérvuli.

**M**eménto, rerum Cóndi-  
tor,

Nostri quod olim córpo-  
ris,

Sacrata ab alvo Vírginis  
Nascéndo, formam súp-  
pseris.

**T**estátur hoc præsens dies,  
Curréns per anni círcu-  
lum,

Quod solus e sinu Patris  
Mundi salus adveneris.

Huncastra, tellus, æquora,  
Hunc omne, quod cœlo  
subest,

Salûtis Auctórem novæ  
Novo salútat cántico.

Et nos, beáta quos sacri  
Rigávit unda sánguinis;  
Natális ob diem tui

Hymni tribútum sólvi-  
mus.

Jesu, tibi sit glória,  
Qui natus es de Virgine,  
Cum Patre, et almo Spí-  
ritu,

In sempitérna sæcula.

Amen.

**Sic terminantur omnes  
Hymni ejusdem metri, us-  
que ad Epiphaniam.**

¶ Crástina die delébitur  
iniquitas terræ. ✠. Et re-  
gnábit super nos Salvátor  
mundi.

**Ad Magnif. Aña.** Cum  
ortus fúerit sol de cœlo,  
vidébitis Regem regum  
procedéntem a Patre, tam-  
quam sponsum de thála-  
mo suo.

**Oratio.**

**C**oncède quæsumus  
omnipotens Deus, ut  
nos Unigéniti tui nova  
per carnem nativitas líbe-  
ret: quos sub peccáti jugo  
vetústa servitus tenet. Per  
eúndem Dóminum.

**AD MATUTINUM.**

**Invitator.** Christus natus  
est nobis: \* Veníte ad-  
orémus. **Ps.** Veníte. 2.

**Hymnus.** Jesu Redém-  
ptor. **ut supra.** 251.

**In I. Nocturno.**

**Aña.** Dóminus dixit \* ad  
me: Fílius meus es tu,  
ego hódie génui te.

**Psalmus ij.**

**U**are fremuérent  
Gentes, \* et pópu-  
li meditáti sunt  
inánia?

Astitérunt reges terræ,  
et príncipes convenérunt  
in unum \* advérsus Dó-  
minum, et advérsus Chri-  
stum ejus.

Dirumpámus víncula eó-  
rum: \* et projiciámus a  
nobis jugum ipsórum.

Qui hábitat in cœlis irri-  
débit eos: \* et Dóminus  
subsannábit eos.

Tunc loquétur ad eos in  
ira sua, \* et in furóre suo  
conturbábit eos.

Ego autem constitútus  
sum Rex ab eo super Sion  
montem sanctum ejus, \*  
prædicans præcéptum  
ejus.

Dóminus dixit ad me: \*  
Fílius meus es tu, ego hó-  
die génui te.

Póstula a me, et dabo  
tibi Gentes hereditátem

tuam, \* et possessioném  
tuam términos terræ.

Reges eos in virga fér-  
rea, \* et tamquam vas  
figuli confrínges eos.

Et nunc reges intelligi-  
te: \* erudímmini qui judi-  
cátis terram.

Servíte Dómino in timó-  
re: \* et exsultáte ei cum  
tremóre.

Apprehéndite disciplí-  
nam, nequándo irascátur  
Dóminus, \* et pereátis de  
via justa.

Cum exárserit in brevi  
ira ejus, \* beáti omnes,  
qui confidunt in eo.

**Aña.** Dóminus dixit ad  
me: Fílius meus es tu,  
ego hódie génui te.

**Aña.** Tamquam spon-  
sus \* Dóminus procedens  
de thálamo suo.

**Psalmus xvij.**

**C**œli enarrant glóriam  
Dei, \* et ópera má-  
num ejus annúntiat fir-  
maméntum.

Dies diéi erúctat ver-  
bum, \* et nox nocti índi-  
cat sciéntiam.

Non sunt loquélæ, neque  
sermónes, \* quorum non  
audiántur voces eórum.

In omnem terram exívit  
sonus eórum: \* et in fines  
orbis terræ verba eórum.

In sole pósuit taberná-

culum suum: \* et ipse  
tamquam sponsus procé-  
dens de thálamo suo:

Exsultávit ut gigas ad  
curréndam viam, \* a sum-  
mo cœlo egréssio ejus:

Et occúrsus ejus usque  
ad summum ejus: \* nec  
est qui se abscondat a ca-  
lóre ejus.

Lex Dómini immaculáta  
convértens ánimas: \* te-  
stimónium Dómini fidéle,  
sapiéntiam præstans pár-  
vulis.

Justítiæ Dómini rectæ,  
lætificántes corda: \* præ-  
céptum Dómini lúcidum,  
illúminans óculos.

Timor Dómini sanctus,  
pérmanens in sæculum  
sæculi: \* júdicia Dómini  
vera, justificáta in semet-  
ípsa.

Desiderabilia super au-  
rum et lápidem pretiósium  
multum: \* et dulcióra  
super mel et favum.

Etenim servus tuus cus-  
todit ea, \* in custodiédis  
illis retribútio multa.

Delicta quis intélligit?  
ab occúltis meis munda  
me: \* et ab aliénis parce  
servo tuo.

Si mei non fúerint domi-  
nátí, tunc immaculátus  
ero: \* et emundábor a  
delicto máximo.

Et erunt ut compláceant  
elóquia oris mei : \* et me-  
ditátio cordis mei in con-  
spéctu tuo semper.

Dómine adjútor meus, \*  
et redéptor meus.

**Añã.** Tamquam sponsus  
Dóminus procédens de  
thálamo suo.

**Añã.** Diffúsa est \* grátia  
in lábiis tuis, proptérea  
benedíxit te Deus in ætér-  
num.

**Psalmus rlv.**

**E**Ructávit cor meum  
verbum bonum : \*  
dico ego ópera mea Regi.  
Lingua mea cálamus  
scribæ, \* velóciter scri-  
béntis.

Speciósus forma præ fí-  
liis hóminum, diffúsa est  
grátia in lábiis tuis : \*  
proptérea benedíxit te  
Deus in ætérnum.

Accíngere gládio tuo su-  
per femur tuum, \* poten-  
tíssime,

Spécie tua et pulchritú-  
dine tua \* inténde, pró-  
spere procéde, et regna,

Propter veritátem et  
mansuetúdinem, et justí-  
tiam : \* et dedúcet te mi-  
rabíliter dextera tua.

Sagittæ tuæ acútæ, pó-  
puli sub te cadent, \* in  
corda inimicórum Regis.  
Sedes tua Deus in sæcu-

lum sæculi : \* virga dire-  
ctiónis virga regni tui.

Dilexisti justítiam, et  
odisti iniquitátem : \* pro-  
ptérea unxit te Deus Deus  
tuus óleo lætitiæ præ con-  
sórtibus tuis.

Myrrha, et gutta, et cásia  
a vestiméntis tuis, a dó-  
mibus ebúrneis : \* ex qui-  
bus delectavérunt te filiae  
regum in honóre tuo.

Astitit regína a dextris  
tuis in vestitu deauráto : \*  
circúmdata varietáte.

Audi filia, et vide, et in-  
clína aurem tuam : \* et  
obliviscere pópulum tuum,  
et domum patris tui.

Et concupiscet Rex decó-  
rem tuum : \* quóniam  
ipse est Dóminus Deus  
tuus, et adorábunt eum.

Et filiae Tyri in munéri-  
bus \* vultum tuum depre-  
cabúntur : omnes dívites  
plebis.

Omnis glória ejus filiae  
Regis ab intus, \* in fim-  
briis áureis circumamícta  
varietátibus.

Adducéntur Regi vírgi-  
nes post eam : \* próximæ  
ejus afferéntur tibi.

Afferéntur in lætítia et  
exsultatióne : \* adducén-  
tur in templum Regis.

Pro pátribus tuis nati  
sunt tibi filii : \* constitues

eos príncipes super om-  
nem terram.

Mémores erunt nóminis  
tui \* in omni generatióne  
et generatióne.

Proptérea pópuli confite-  
búntur tibi in ætérnum : \*  
et in sæculum sæculi.

**Añã.** Diffúsa est grátia in  
lábiis tuis, proptérea bene-  
díxit te Deus in ætérnum.

**V.** Tamquam sponsus.  
**R.** Dóminus procédens de  
thálamo suo.

**Tres sequentes Lectiones  
Isaie leguntur sine titulo.**

**LECTIO j. Cap. ix.**

**R**imo témpore alle-  
viáta est terra Zá-  
bulon, et terra  
Néphthali : et novíssimo  
aggraváta est via maris  
trans Jordánem Galilææ  
Géntium. Pópulus qui am-  
bulábat in ténebris, vidit  
lucem magnam : habitán-  
tibus in regióne umbræ  
mortis, lux orta est eis.  
Multiplicásti gentem, et  
non magnificásti lætítiam.  
Lætabúntur coram te, sic-  
ut qui lætántur in messe,  
sicut exsúltant victóres  
capta præda, quando dí-  
vidunt spólia. Jugum enim  
óneris ejus, et virgam hú-  
meri ejus, et sceptrum  
exactóris ejus superásti  
sicut in die Má dian. Quia

omnis violénta prædatío  
cum tumúltu, et vestimén-  
tum mistum ságuine, erit  
in combustióne, et cibus  
ignis. Párvulus enim na-  
tus est nobis, et filius da-  
tus est nobis, et factus est  
principátus super húme-  
rum ejus : et vocábitur  
nomen ejus, Admirábilis,  
Consiliárius, Deus, Fortis,  
Pater futúri sæculi, Prin-  
ceps pacis.

**R.** Hódie nobis cœlórum  
Rex de Vírgine nasci di-  
gnátus est, ut hóminem  
pérditum ad cœlestia re-  
gna revocáret. \* Gaudet  
exercitus Angelórum :  
quia salus ætérna humano  
géneri apparuit. **V.** Glória  
in excélsis Deo, et in  
terra pax homínibus bonæ  
voluntátis.— Gaudet. Gló-  
ria Patri. **Et repetitur**  
**R.** Hódie nobis cœlórum.  
**usque ad V.** Glória in ex-  
celsis.

**LECTIO ij. Cap. xl.**

**C**onsolámini, consolá-  
mini pópule meus,  
dicit Deus vester. Loquí-  
mini ad cor Jerúsalem, et  
advocáte eam : quóniam  
compléta est malítia ejus,  
dimíssa est iniquitas illius :  
suscépit de manu Dómini  
duplícia pro omnibus pec-  
cátis suis. Vox clamántis

in deserto: Parate viam Domini, rectas facite in solitudine semitas Dei nostri. Omnis vallis exaltabitur, et omnis mons et collis humiliabitur: et erunt prava in directa, et aspera in vias planas. Et revelabitur gloria Domini, et videbit omnis caro pariter quod os Domini locutum est. Vox dicentis: Clama. Et dixi: Quid clamabo? Omnis caro foenum, et omnis gloria ejus quasi flos agri. Exsiccatum est foenum, et cecidit flos: quia spiritus Domini sufflavit in eo. Vere foenum est populus: exsiccatum est foenum, et cecidit flos: Verbum autem Domini nostri manet in aeternum.

**R.** Hodie nobis de caelo pax vera descendit: \* Hodie per totum mundum mellisflui facti sunt caeli. **V.** Hodie illuxit nobis dies redemptionis novae, reparationis antiquae, felicitatis aeternae. — Hodie per.

**Lectio iij. Cap. iij.**

**C**onsurge, consurge, induere fortitudine tua Sion, induere vestimentis gloriae tuae Jerusalem civitas sancti: quia non adjiciet ultra ut pertrans-eat per te incircumcisus

et immundus. Excute de pulvere, consurge, sede Jerusalem: solve vincula colli tui, captiva filia Sion. Quia haec dicit Dominus: Gratis venundati estis, et sine argento redimemini. Quia haec dicit Dominus Deus: In Aegyptum descendit populus meus in principio, ut colonus esset ibi: et Assur absque ulla causa calumniatus est eum. Et nunc quid mihi est hic, dicit Dominus, quoniam ablatus est populus meus gratis? Dominatores ejus inique agunt, dicit Dominus, et jugiter tota die nomen meum blasphematur. Propter hoc sciet populus meus nomen meum in die illa: quia ego ipse qui loquebar, ecce adsum.

**R.** Quem vidistis pastores? dicite, annuntiate nobis, in terris quis apparuit? \* Natum vidimus, et choros Angelorum collaudantes Dominum. **V.** Dicite, quidnam vidistis? et annuntiate Christi nativitatem. — Natum. Gloria Patri. Natum.

**In II. Nocturno.**

**Añã.** Suscepimus \* Deus misericordiam tuam in medio templi tui.

**Psalmus lxxj.**

**A**gnus Dominus, et laudabilis nimis \* in civitate Dei nostri, in monte sancto ejus.

Fundatur exsultatione universae terrae mons Sion, \* latera Aquilonis, civitas Regis magni.

Deus in domibus ejus cognoscetur, \* cum suscipiet eam.

Quoniam ecce reges terrae congregati sunt: \* convenerunt in unum.

Ipsi videntes sic admirati sunt, conturbati sunt, commoti sunt: \* tremor apprehendit eos.

Ibi dolores ut parturientis, \* in spiritu vehementi conteres naves Tharsis.

Sicut audivimus, sic vidimus in civitate Domini virtutum, in civitate Dei nostri: \* Deus fundavit eam in aeternum.

Suscipimus Deus misericordiam tuam, \* in medio templi tui.

Secundum nomen tuum Deus, sic et laus tua in finem terrae: \* Justitia plena est dextera tua.

Laetetur mons Sion, et exultent filiae Judae, \* propter judicia tua Domine.

Circumdante Sion, et com-

plectimini eam: \* narrate in turribus ejus.

Ponite corda vestra in virtute ejus: \* et distribuite domos ejus, ut enarretis in progene altera.

Quoniam hic est Deus, Deus noster in aeternum, et in saeculum saeculi: \* ipse reget nos in saecula.

**Añã.** Suscepimus Deus misericordiam tuam in medio templi tui.

**Añã.** Orietur \* in diebus Domini abundantia pacis, et dominabitur.

**Psalmus lxxj.**

**D**eus judicium tuum Regi da: \* et justitiam tuam filio regis:

Judicare populum tuum in justitia, \* et pauperes tuos in iudicio.

Suscipiant montes pacem populo: \* et colles justitiam.

Judicabit pauperes populi, et salvos faciet filios pauperum: \* et humiliabit calumniatorem.

Et permanebit cum sole, et ante lunam, \* in generatione et generationem.

Descendet sicut pluvia in vellus: \* et sicut stillicidia stillantia super terram.

Orietur in diebus ejus justitia, et abundantia pacis: \* donec auferatur luna.

Et dominabitur a mari usque ad mare: \* et a flumine usque ad terminos orbis terrarum.

Coram illo prouident Æthiopes: \* et inimici eius terram lingent.

Reges Tharsis, et insulæ mûnera offerent: \* reges Arabum et Saba dona adducent:

Et adorabunt eum omnes reges terræ: \* omnes Gentes seruiant ei:

Quia liberabit pauperem a potente: \* et pauperem, cui non erat adiutor.

Parcet pauperi et inopi: \* et animas pauperum salvas faciet.

Ex usuris et iniquitate redimet animas eorum: \* et honorabile nomen eorum coram illo.

Et vivet, et dabitur ei de auro Arabiæ, et adorabunt de ipso semper: \* tota die benedicent ei.

Et erit firmamentum in terra in summis montium, superextolletur super Libanum fructus ejus: \* et florebut de civitate sicut fœnum terræ.

Sit nomen ejus benedictum in sæcula: \* ante solem permanet nomen ejus.

Et benedicentur in ipso

omnes tribus terræ: \* omnes Gentes magnificabunt eum.

Benedictus Dominus Deus Israel, \* qui facit mirabilia solus:

Et benedictum nomen majestatis ejus in æternum: \* et replabitur majestate ejus omnis terra: fiat, fiat.

**Añã.** Orietur in diebus Domini abundantia pacis, et dominabitur.

**Añã.** Veritas de terra \* orta est, et justitia de cœlo prospexit.

**Psalmus lxxv.**

**B**enedixisti Domine terram tuam: \* avertisti captivitatem Jacob.

Remisisti iniquitatem plebis tuæ: \* operuisti omnia peccata eorum.

Mitigasti omnem iram tuam: \* avertisti ab ira indignationis tuæ.

Converte nos Deus salutaris noster: \* et averte iram tuam a nobis.

Numquid in æternum irasceris nobis? \* aut extendes iram tuam a generatione in generationem?

Deus tu conversus vivificabis nos: \* et plebs tua lætabitur in te.

Ostende nobis Domine

miseriçordiam tuam: \* et salutare tuum da nobis.

Audiam quid loquatur in me Dominus Deus: \* quoniam loquatur pacem in plebem suam.

Et super sanctos suos: \* et in eos, qui convertuntur ad cor.

Verumtamen prope timentes eum salutare ipsius: \* ut inhabitet gloria in terra nostra.

Miseriçordia, et veritas obviaverunt sibi: \* justitia, et pax osculatæ sunt.

Veritas de terra orta est: \* et justitia de cœlo prospexit.

Etenim Dominus dabit benignitatem: \* et terra nostra dabit fructum suum.

Justitia ante eum ambulabit: \* et ponet in via gressus suos.

**Añã.** Veritas de terra orta est, et justitia de cœlo prospexit.

**V.** Speciõsus forma præ filiis hominum. **R.** Diffusa est gratia in labiis tuis.

Sermo sancti Leonis Papæ. **Serm. j. de Nativ. Domini.**

**Leçtio iij.**

**S**alvator noster, dilectissimi, hodie natus est: gaudeamus. Neque enim fas est

locum esse tristitiæ, ubi natalis est vitæ: quæ consumpto mortalitatis timore, nobis ingerit de promissa æternitate lætitiã. Nemo ab hujus alacritatis participatione secernitur.

Una cunctis lætitiæ communis est ratio: quia Dominus noster peccati, mortisque destructor, sicut nullum a reatu liberum reperit, ita liberandis omnibus venit.

Exsultet sanctus, quia appropinquat ad palmam: gaudeat peccator, quia invitatur ad veniam: animetur Gentilis, quia vocatur ad vitam.

Dei namque Filius secundum plenitudinem temporis, quam divini consilii inscrutabilis altitudo disposuit, reconciliandam auctori suo naturam generis assumpsit humani, ut inventor mortis diabolus, per ipsam, quam vicerat, vinceretur.

**R.** O magnum mysterium, et admirabile sacramentum, ut animalia viderent Dominum natum, jacentem in præsepio: \* Beata Virgo, cujus viscera meruerunt portare Dominum Christum. **V.** Ave Maria, gratia plena: Dominus tecum. — Beata.

**Lectio v.**

**I**N quo conflictu pro nobis ínito, magno et mirábili æquitátis jure certátum est, dum omnípotens Dóminus cum sævis- simo hoste non in sua ma- jestáte, sed in nostra con- gréditur humilitáte : obji- ciens ei eámdem formam, eamdemque natúrám, mortalitátis quidem no- stræ partícipem, sed pec- cáti totíus expértem. Alié- num quippe ab hac nati- vitáte est, quod de ómni- bus légitur : Nemo mun- dus a sorde, nec infans, cujus est unius diéi vita super terram. Nihil ergo in istam singulárem nati- vitátem de carnis concu- piscéntia transívit, nihil de peccáti lege manávit. Virgo régia Davidicæ stir- pis elígitur, quæ sacro gra- vidánda fetu, divínám hu- manámque prolem prius concíperet mente, quam corpore. Et ne supérni ignára consílii ad inusítá- tos pavéret affátus, quod in ea operándum erat a Spírítu sancto, collóquio discit angélico : nec dam- num credit pudóris, Dei Génitrix mox futúra.

**R.** Beáta Dei Génitrix María, cujus víscera intá-

cta pérmanent : \* Hódie génuit Salvatórem sæculi. **V.** Beáta, quæ crédidit : quóniam perfécta sunt ómnia, quæ dicta sunt ei a Dómino. — Hódie.

**Lectio vj.**

**A**Gamus ergo, dilectís- simi, grátias Deo Pa- tri, per Filium ejus in Spí- rítu sancto : qui propter multam caritátem suam, qua diléxit nos, misértus est nostri : et cum essémus mórtui peccátis, convivifi- cávit nos Christo, ut essé- mus in ipso nova creatú- ra, novúmque figméntum. Deponámus ergo véterem hóminem cum áctibus suis : et adépti participatiónem generatiónis Chri- sti, carnis renuntiémus opéribus. Agnósce, o Chri- stiáne, dignitátem tuam : et divinæ consors factus natúræ, noli in véterem vilitátem degéneri con- versatióne redire. Memén- to, cujus cápitis, et cujus corpóris sis membrum. Reminíscere, quia érutus de potestáte tenebrárum, translátus es in Dei lumen et regnum.

**R.** Sancta et immaculáta virgíntas, quibus te láu- díbus éfferam nésco : \* Quia quem cæli cápere

non póterant, tuo grémio contulisti. **V.** Benedicta tu in muliéribus, et benedi- ctus fructus ventris tui.— Quia. **Gloria Patri. Quia.**

**In III. Nocturno.**

**Aña.** Ipse invocábit \* me, allelúia : Pater meus es tu, allelúia.

**Psalmus lxxvij.**

**M**isericórdias Dómi- ni \* in ætérnum cantábo.

In generatiónem et ge- neratiónem \* annuntiábo veritátem tuam in ore meo.

Quóniam dixísti : In ætér- num misericórdia edificá- bitur in cælis : \* præpará- bitur véritas tua in eis.

Dispósui testaméntum eléctis meis, jurávi David servo meo : \* usque in ætérnum præparábo se- men tuum.

Et edificábo in genera- tiónem et generatiónem \* sedem tuam.

Confitebúntur cæli mira- bília tua Dómine : \* ét- enim veritátem tuam in ecclésia sanctorum.

Quóniam quis in núbibus æquábitur Dómino : \* sí- milis erit Deo in filiis Dei?

Deus, qui glorificátur in consílio sanctorum : \* ma- gnus et terríbilis super

omnes qui in circúitu ejus sunt.

Dómine Deus virtútum quis símilis tibi? \* potens es Dómine, et véritas tua in circúitu tuo.

Tu domináris potestáti maris : \* motum autem flúctuum ejus tu mítigas.

Tu humiliásti sicut vul- nerátum, supérbum : \* in bráchio virtútis tuæ dispersísti inimícos tuos.

Tui sunt cæli, et tua est terra, orbem terræ et ple- nitúdinem ejus tu fundá- sti : \* Aquilonem et mare tu creásti.

Thabor et Hermon in nó- mine tuo exsultábunt : \* tuum bráchium cum po- téntia.

Firmétur manus tua, et exaltétur dextera tua : \* justítia et judícium præ- parátio sedis tuæ.

Misericórdia et véritas præcédent faciém tuam : \* beátus pópulus, qui scit jubilatiónem.

Dómine, in lúmine vultus tui ambulábunt, et in nó- mine tuo exsultábunt tota die : \* et in justítia tua exaltabúntur.

Quóniam glória virtútis eórum tu es : \* et in bene- plácito tuo exaltábitur cornu nostrum.